

Florian Vernet, “War Paint”

(*Fin de partida*, I.E.O. Lengadòc, 2013, p. 33-4)

A la mièja de quatre oras de l'après-miègjorn del diluns, Casal esperava ja darrièr lo ridèl de la fenèstra que donava sus la carrièra, dos estatges mai bas. Avia asticada la placa de coire dins l'intrada, passat l'aspirator, levat la posca suls mòbles, botat un semblant d'òrdre dins sa bibliotèca juridica e escondut las revistas qu'aurián pogut denonciar sas conviccions politicas. Mai que pus avia airejat la sala d'espèra qu'avia batejada pretenciosament atal e passat un pauc de desodorant per levar la flaira a tabat. Lo vièlh ordinator Dell èra alucat, e sul burèu, l'I. Pad darrièr crit testimoniava de la modernitat e de l'estatut social de son propietari. La granda Mercedes gris fèrre matriculada MC s'arrestèt en dobla fila, warnings alucats, un menaire en unifòrme blau petròli davalèt e dobriguèt la portiera. Èra pas necite que Casal veguèsse la cara de la femna per s'avisar alencòp de sa beltat, de son elegància, de l'aire de superioritat e de desdenh sideral que l'agolopava de son aura. Coma dins un filme la veguèt se dirigir cap a l'intrada del temps que la Mercedes s'anava pagar mai luènh, fins al moment que la « responsabla » la sonariá. Pensèt, ironicament, aquò's un roman de la Seria Negra... Metèt en plaça, un còp de mai, sa carvata.

(**Total : 214 mots**)

Per las quatre categorias : pichons - collegials - liceans - adultes :

A la mièja de quatre oras de l'après-miègjorn del diluns, Casal esperava ja darrièr lo ridèl de la fenèstra que donava sus la carrièra, dos estatges mai bas. (**28 mots**)

(*Aicí s'arrèstan los pichons.*)

Avia asticada la placa de coire dins l'intrada, passat l'aspirator, levat la posca suls mòbles, botat un semblant d'òrdre dins sa bibliotèca juridica e escondut las revistas qu'aurián pogut denonciar sas conviccions politicas. (**28 + 33 mots = 61 mots**)

(*Aicí s'arrèstan los collegials.*)

Mai que pus avia airejat la sala d'espèra qu'avia batejada pretenciosament atal e passat un pauc de desodorant per levar la flaira a tabat. Lo vièlh ordinator Dell èra alucat, e sul burèu, l'I. Pad darrièr crit testimoniava de la modernitat e de l'estatut social de son propietari.

(**61 + 48 mots = 109 mots**)

(*Aicí s'arrèstan los liceans.*)

La granda Mercedes gris fèrre matriculada MC s'arrestèt en dobla fila, warnings alucats, un menaire en unifòrme blau petròli davalèt e dobriguèt la portiera. Èra pas necite que Casal veguèsse la cara de la femna per s'avisar alencòp de sa beltat, de son elegància, de l'aire de superioritat e de desdenh sideral que l'agolopava de son aura.

Coma dins un filme la veguèt se dirigir cap a l'intrada del temps que la Mercedes s'anava pagar mai luènh, fins al moment que la « responsabla » la sonariá.

(**109 + 87 mots = 196 mots**)

Pensèt, ironicament, aquò's un roman de la Seria Negra... Metèt en plaça, un còp de mai, sa carvata.

(**196 + 18 mots = 214 mots**)